



Broj: 01/1-50-1-26-27/04.

Sarajevo: 20.05.2004.

Z A P I S N I K
sa 27. sjednice Ustavno - pravne komisije

Sjednica je održana 20.05.2004. godine s početkom u 13,00 sati..

Sjednici su prisustvovali članovi Komisije:

- | | |
|----------------------|------------------------|
| 1. Mirsad Ćeman, | 5. Momčilo Novaković i |
| 2. Tihomir Gligorić, | 6. Beriz Belkić |
| 3. Seada Palavrić, | |
| 4. Ivo Miro Jović, | |

Članovi Komisije: Petar Kunić, Martin Raguž i Nijaz Duraković su najavili odsustvo sa sjednice.

Sjednici su prisustvovali: predstavnici Vijeća ministara BiH: Zorka Pudar, Fočo Đinita, Tinjak Hamdo, Zoran Bilbija Juso Halilagić.

Sjednici je takođe prisustvovao poslanik Vinko Zorić, predlagač zakona.

Sjednici je prisustvovao sekretar Komisije Milan Zjajić, i Golijanin Nevena - student stažista.

Mirsad Ćeman je pozdravio prisutne i predložio sljedeći:

D N E V N I R E D

1. Verificiranje Zapisnika sa 26. sjednice, održane 30.04.2004. godine,
2. Prijedlog zakona o učestvovanju pripadnika oružanih snaga BiH, državnih službenika i ostalih zaposlenih u mirovnim operacijama i drugim aktivnostima u inostranstvu, predlagač poslanik Momčilo Novaković,
3. Prijedlog zakona o izmjeni i dopuni Zakona o osnovama javnog radio televizijskog sistema i o Javnom radio televizijskom servisu BiH, predlagač poslanik Momčilo Novaković,
4. Prijedlog zakona o izmjenama i dopunama Zakona o zaštiti potrošača u BiH, predlagač Vijeće ministara BiH,
5. Prijedlog zakona o sportu BiH, predlagač poslanik Nikola Špirić,
6. Prijedlog zakona o dopuni zakona o državljanstvu BiH, predlagač poslanik Nikola Špirić,
7. Prijedlog zakona o izmjenama i dopunama Zakona o državnoj službi u institucijama Bosne i Hercegovine, predlagač poslanik Ivo Miro Jović,
8. Prijedlog zakona o flaširanim pitkim vodama BiH, predlagač Vijeće ministara BiH,
9. Prijedlog zakona o javnim nabavkama BiH, predlagač Vijeće ministara BiH,
10. Prijedlog zakona o registraciji poslovnih subjekata u BiH, predlagač Vijeće ministara BiH,
11. Prijedlog zakona o osnivanju Instituta za mjeriteljstvo/meteorologiju BiH, predlagač, Vijeće ministara BiH,
12. Prijedlog zakona o osnivanju Instituta za intelektualno vlasništvo BiH, predlagač, Vijeće ministara BiH,
13. Prijedlog zakona o osnivanju Instituta za standardizaciju BiH, predlagač, Vijeće ministara BiH,
14. Prijedlog zakona o izmjenama i dopunama Zakona o državnoj službi u institucijama Bosne i Hercegovine, predlagač poslanik Tihomir Gligorić,
15. Prijedlog zakona o izmjenama i dopunama Zakona o upotrebi i zaštiti naziva Bosne i Hercegovine, predlagač poslanik Vinko Zorić,
16. Ostala pitanja.

Predloženi dnevni red je jednoglasno prihvaćen.

Ad. 1. Verificiranje Zapisnika sa 26. sjednice, održane 30.04.2004. godine i 05.05.2004.,

Uz primjedbu, da se pod tačkom dnevnog reda 1. Verifikacija zapisnika sa 26. sjednice opiše primjedba za tačku 18. na kraju doda tekst: "a Ustavni sud je već odlučivao po predmetnom zahtjevu." Zapisnik sa 26. sjednice je jednoglasno verificiran.

Ad. 2. Prijedlog zakona o učestvovanju pripadnika oružanih snaga BiH, državnih službenika i ostalih zaposlenih u mirovnim operacijama i drugim aktivnostima u inostranstvu, predlagač poslanik Momčilo Novaković,

Nakon provedene rasprave, Ustavno-pravna komisija Predstavničkog doma je jednoglasno utvrdila sljedeće:

1. Postoji valjan ustavno-pravni osnov za donošenje Zakona o učestvovanju pripadnika Oružanih snaga Bosne i Hercegovine, državnih službenika i ostalih zaposlenih u mirovnim operacijama i drugim aktivnostima u inostranstvu,

2. Ustavni osnov sadržan je u članu III tačka 1. članu III tačka 5.a). i članu IV tačka 4.a) Ustava Bosne i Hercegovine, kako je naveo predlagač,

3. Ponuđeni tekst je usklađen sa Ustavom Bosne i Hercegovine i

4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

Ad. 3. Prijedlog zakona o izmjeni i dopuni Zakona o osnovama javnog radio televizijskog sistema i o Javnom radio televizijskom servisu BiH, predlagač poslanik Momčilo Novaković,

Nakon provedene rasprave, Ustavno-pravna komisija Predstavničkog doma je jednoglasno utvrdila sljedeće:

1. Postoji valjan ustavno-pravni osnov za donošenje Zakona o izmjenama i dopunama Zakona o osnovama javnog radio-televizijskog sistema i o javnom radio-televizijskom servisu Bosne i Hercegovine,

2. Ustavni osnov sadržan je u članu I tačka 4. članu II tačka 2. i članu IV tačka 4.a) Ustava Bosne i Hercegovine, kako je naveo predlagač,

3. Ponuđeni tekst je usklađen sa Ustavom Bosne i Hercegovine i

4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

Ad. 4. Prijedlog zakona o izmjenama i dopunama Zakona o zaštiti potrošača u BiH, predlagač Vijeće ministara BiH,

Nakon provedene rasprave, Ustavno-pravna komisija Predstavničkog doma je jednoglasno utvrdila sljedeće:

1. Postoji valjan ustavno-pravni osnov za donošenje Zakona o izmjenama i dopunama Zakona o zaštiti potrošača u Bosni i Hercegovini,

2. Ustavni osnov sadržan je u članu III tačka 1. b) Ustava Bosne i Hercegovine, kako je naveo predlagač i članu IV tačka 4. a) Ustava Bosne i Hercegovine

3. Ponuđeni tekst je usklađen sa Ustavom Bosne i Hercegovine i

4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

Ad. 5. i Ad. 6. Prijedlog zakona o sportu BiH, predlagač poslanik Nikola Špirić, i Prijedlog zakona o dopuni zakona o državljanstvu BiH, predlagač poslanik Nikola Špirić,

Zbog neprisustvovanja sjednici predlagača Nikole Špirića Komisija je jednoglasno odgodila raspravu o predloženim zakonima.

Ad. 7. Prijedlog zakona o izmjenama i dopunama Zakona o državnoj službi u institucijama Bosne i Hercegovine, predlagač poslanik Ivo Miro Jović,

Ivo Miro Jović je u pisanoj formi povukao svoj Prijedlog zakona, a uložio amandmane na Prijedlog zakona koji je u međuvremenu predložio Tihomir Gligorić.

Ad. 8. Prijedlog zakona o flaširanim pitkim vodama BiH, predlagač Vijeće ministara BiH,

Nakon provedene rasprave, Ustavno-pravna komisija Predstavničkog doma je jednoglasno utvrdila sljedeće:

1. Postoji valjan ustavno-pravni osnov za donošenje Zakona o flaširanim vodama Bosne i Hercegovine,
2. Ustavni osnov sadržan je u članu I tačka 4. i članu III tačka 1. b) Ustava Bosne i Hercegovine, kako je naveo predlagač i članu IV tačka 4. a) Ustava Bosne i Hercegovine,
3. Ponuđeni tekst je usklađen sa Ustavom Bosne i Hercegovine i
4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

Ad. 9. Prijedlog zakona o javnim nabavkama BiH, predlagač Vijeće ministara BiH,

Nakon provedene rasprave, Ustavno-pravna komisija Predstavničkog doma je prostom većinom glasova utvrdila sljedeće:

1. Postoji valjan ustavno-pravni osnov za donošenje Zakona o javnim nabavkama Bosne i Hercegovine,
2. Ustavni osnov sadržan je u članu I tačka 4 Ustava Bosne i Hercegovine, kako je naveo predlagač i članu IV tačka 4. a) Ustava Bosne i Hercegovine,
3. Ponuđeni tekst je usklađen sa Ustavom Bosne i Hercegovine i
4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

Ad. 10. Prijedlog zakona o registraciji poslovnih subjekata u BiH, predlagač Vijeće ministara BiH,

Nakon provedene rasprave, Ustavno-pravna komisija Predstavničkog doma je većinom glasova utvrdila sljedeće:

1. Postoji valjan ustavno-pravni osnov za donošenje Zakona o izmjenama i dopunama Okvirnog zakona o registraciji poslovnih subjekata u Bosni i Hercegovini,
2. Ustavni osnov sadržan je u članu I tačka 4. i članu IV tačka 4. a) Ustava Bosne i Hercegovine, kako je naveo predlagač,
3. Ponuđeni tekst je usklađen sa Ustavom Bosne i Hercegovine i
4. Ponuđeni tekst se može uputiti nadležnoj komisiji Predstavničkog doma Parlamentarne skupštine BiH u dalju proceduru.

Ad. 11. Ad. 12. Ad. 13. Prijedlog zakona o osnivanju Instituta za mjeriteljstvo meteorologiju BiH, predlagač, Vijeće ministara BiH; Prijedlog zakona o osnivanju Instituta za intelektualno vlasništvo BiH, predlagač, Vijeće ministara BiH i Prijedlog zakona o osnivanju Instituta za standardizaciju BiH, predlagač, Vijeće ministara BiH,

Pošto se radilo o srodnim propisima i timu koji je predstavljao predlagača zakona iz jednog ministarstva, vođena je zajednička diskusija. Nakon diskusije, obzirom na više uočenih neprincipijelnih razlika u definisanju istih ili sličnih situacija jednoglasno je odlučeno da se rasprava i glasanje odlože za narednu sjednicu Komisije, a pruži prilika članovima Komisije da amandmanima pokušaju usaglasiti sporne dijelove teksta predloženih zakona.

Ad. 14. Prijedlog zakona o izmjenama i dopunama Zakona o državnoj službi u institucijama Bosne i Hercegovine, predlagač poslanik Tihomir Gligorić,

Nakon iscrpne opće i rasprave o pojedinostima, Ustavno-pravna komisija je kao nadležna komisija:

1. Jednoglasno podržala principe predloženog zakona,
2. Konstatirala da su amandmane uložili poslanici Ivo Miro Jović i Seada Palavrić. Nakon pojedinačnog izjašnjenja Komisija je jednoglasno prihvatila sljedeće amandmane:

Amandman I

Član 4. (koji se odnosi na član 22. osnovnog teksta Zakona) mijenja se i glasi:

"Član 4.

U članu 22. u stavu 2. riječi: "dvije godine" mijenjaju se riječima: "četiri godine"."

Amandman II

U članu 6. u naslovu i u tekstu iza riječi "plata" dodaju se riječi: "i naknada", a nakon riječi "aktom" dodaju se riječi: "nadležnog organa".

Amandman III

Iza člana 6. dodaje se novi član 6. a koji glasi:

"Član 6. a

U članu 43. u naslovu i u tekstu nakon riječi "plata" dodaju se riječi: "i naknada"."

3. Jednoglasno prihvatila tekst Prijedloga zakona o izmjenama i dopunama Zakona o državnoj službi u institucijama Bosne i Hercegovine, kako ga je predložio poslanik Tihomir Gligorić sa usvojenim amandmanima i
4. Konstatirala da je predloženi zakon neophodno donijeti.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenuje se predsjedavajući Komisije Mirsad Ćeman.

Ad. 15. Prijedlog zakona o izmjenama i dopunama Zakona o upotrebi i zaštiti naziva Bosne i Hercegovine, predlagač poslanik Vinko Zorić,

Nakon iscrpne opće i rasprave o pojedinostima, Ustavno-pravna komisija je kao nadležna komisija:

5. Jednoglasno podržala principe predloženog zakona,
6. Konstatirala da nema uloženi amandmana,
7. Jednoglasno prihvatila tekst Prijedloga zakona o izmjenama i dopunama Zakona o upotrebi i zaštiti naziva Bosne i Hercegovine, kako ga je predložio poslanik Vinko Zorić i
8. Konstatirala da je predloženi zakon neophodno donijeti.

U smislu odredbi člana 89. Poslovnika Predstavničkog doma Parlamentarne skupštine BiH, za izvjestioca u plenarnoj fazi imenuje se predsjedavajući Komisije Mirsad Ćeman.

Ad. 16. Ostala pitanja

Kako nije bilo drugih prijedloga za ovu tačku dnevnog reda predsjedavajući je zamolio članove komisije da na spisak učesnika Okruglog stola iz jula prošle godine, najdalje u roku od dva dana predlože institucije i pojedince kojima bi trebalo uputiti poziv za Javnu raspravu o amandmanima na Ustav BiH. Zatim je u 15,30 sati zaključio sjednicu.

Prije početka ove tačke dnevnog reda Momčilo Novaković je napustio sjednicu, a Tihomir Gligorić je (pošto je u međuvremenu telefonirao) rekao da ne treba smatrati da je i on prisustvovao ovoj tački dnevnog reda.

Napomena: Sastavni dio ovog zapisnika je Stenogram koji sačinjava Zajednička služba Parlamentarne skupštine Bosne i Hercegovine.

SEKRETAR KOMISIJE
Milan Zjajić

PREDSJEDAVAJUĆI KOMISIJE
Mirsad Ćeman